

三才廣志

卷之二十四

道類

星變

要語

春秋莊公柒年夏四月辛卯夜恒星不見夜中
星隕如雨

左傳夏恒不見夜明也星見如雨與雨皆也公
羊傳恒者何也夜星不見何以知夜之中星反
也如雨者非雨也非雨則何爲謂之如雨不修
春秋曰雨星不及地尺而復君子修之曰星隕

如雨何書記異也

欽定四庫全書
欽梁傳恒星經星也日入至于星出謂之昔不見者可以見也夜中星隕如雨其隕也如雨是夜中與春秋著以傳著疑以傳疑中之機也而曰夜中著焉爾何用見其中也失變而錄其特則夜中矣不曰之隕何也我知恒星之不見而不知其隕也我見其隕而接於地者則是雨說也著于上見于下謂之雨著于下見于上謂之隕豈雨說哉胡傳恒星者列星也如雨者言衆也人事感于下則天變動于上前此者五國連衡旅拒王命後此者齊桓晉文更霸中國政歸盟主而王室遂虛其爲法度廢爲信凌之象著

矢漢成

帝永始中亦有星隕之異而五侯擅權賊莽居攝漢之中支掃蕩幾盡天之示人顯矣春秋謹于天象至矣

僖公十六年春王正月戊申朔隕石于宋五左傳隕石于宋五隕星也

胡傳隕自空凝而隕也

張歐云五緯行度與七政互相表裏分布四方用告禍福故曰彛倫失敘則星辰亂行

天原發緯云五微所行之度數與二十八宿共為一體一有差舛則在天為水旱在人為殃咎

在國爲興亡人能修德以讓之則庶乎獲免

靈臺秘苑一曰星晝見若星與日並出名曰嫁
女星與日爭光武且弱文且強女子爲王在色
爲喪在野爲兵又曰星晝見虹不滅臣人生明
星奪日光天下有立王二曰恒星不見恒星者
在位人君之類不見者象諸侯之皆畔不佐王
者奉順法度無君之象也又曰恒星不見主不
嚴法度消又曰天子失政諸侯橫暴又曰常星
列宿不見象中國諸侯微滅也三曰星闕星闕
天下大亂四曰星搖星搖人衆將勞五曰星隕
星隕下陽失其位災害之萌也又曰衆星墜人

夫其所也凡星所墜國易又曰星墜當其下有
戰場天下亂其三年又曰奔星之所墜其下有
兵列宿之所墜滅家部衆星之所墜衆庶亡又
曰填星墜海水洸黃星騁海水躍又曰黃星墜
海水傾亦星賁星墜而渤海決星隕如雨天子
微諸侯力政武百伐興更爲盟主衆暴寡大并
小又曰星辰附離天猶庶人附離王者也王者
失道綱紀廢下將畔去故星畔天而隕以見其
象國有兵凶則星墜爲鳥獸天下將亡則星墜
爲飛虫天下大兵則星墜爲金鐵天下有水則
星墜爲土國主有兵則星墜爲草木兵起國主

亡則星墜爲沙星墜爲人而言者善惡如其言
又曰國有大喪則星墜爲龍

魯齊鮑氏云星變觀時否泰

星一也其行其色其常其變其時其分各有取
舍其占不同惟嚴子凌足以當客星之占陳仲
弓足以應德星之聚宿騎箕尾而傳曰生星隕
中營而葛亮死吉人君子未嘗不與天相象關
也客星又有變者形大如瓜色有青白者不爲
大水則爲大饑氣白起天下苑西南者則牛馬
死傷又何其不祥也春秋時彗三見夜常星不
見夜中星隕如雨殺君三十六亡國二十五諸

侯奔走不保社稷者不可勝數傳曰夜有星無而雲天尔者謂之天其故何也蓋不忍君子小人之倒植而痛蒼生之罹其禍也天象豈虛應哉是以古之隱德之士所以夜觀天象晝察人事而爲之隱憂也

太白經天數有盈縮之變

盈縮者日方南太白居南日方北太白居北爲羸侯王不寧用兵進吉退凶日方南太白居北日方北太白居南爲縮侯王有憂用兵退吉進凶又太白在南歲星在北名北牡年穀不熟當出不出當入不入不破國必亡國經天者日陽

也日出亡晝見午上爲經天與日月爭明是爲
亂紀天下革氏更主人民流亡強者弱小者強
女主昌奔地皇時在太微中燭地如月光太微
天子庭也是年大兵入天子庭至漸臺奔首惡
曰是二星者不必遠引庚午秋天狗星隨未幾
大將殂己丑夏太白經天明午白波浪起并前
甲子彗三大異星予年七十皆目所親覩故特
書之

太白主兵災惑主內亂月主刑其變有三
三者失度有亂臣賊子伏屍流血之兵
星聚爲崇之變

水木火三合東井占外有兵與喪五星入輿尾
木火金三合虛如連珠皆爲死喪三星在斗殺
將死相火金木三星合軫金水合于東井皆爲
白衣之會漢文帝時天子四衣白衣臨卹第者
此也唐天寶中五星聚箕尾占曰有德慶無德
殃至德中木火金水聚鶉首從歲星也木火陽
主中邦金水陰主外邦陰與陽中外相連此兵
以此見五星之聚有吉有凶不可拘一

熒惑之精爲變

隋大業末熒惑逆行入南斗色赤如血光芒震
耀七八尺後楊玄感反天下大亂唐長壽中熒

惑犯五諸侯渾義向獻甫奏臣命在金五諸侯
太史位火克金臣將死矣武后曰爲卿禳之遷
水衡都尉水生金又去太史位卿無憂矣是秋
獻甫卒

太白之精爲變

六賊星太皇白之精也出正南去地可六丈大
而赤形如彗芒九角天狗亦太白也主兵
填星之精爲變

咸漢星填之精也出正北去地可六丈大而赤
中青青中赤表下有三彗從橫又名五殘星出
東狀類辰去地可六丈大而黃

蚩尤爲旗之變

類彗後曲象旗黃上白下熒惑之精見則王者
征伐四方

天狗墮地之變

狀如大流星有聲如雷望如火光炎火中天墜
地類狗其下圜如數頃田處上銳千里破軍殺
將孟曰太白之精

天元王曆緯星變占

歲星精變

天棓天槍之妖本類星而末銳東出爲棓而主
奪爭西出爲槍而主捕制國皇類南極而體大

主冠難而爲兵喪天冲如蒼人而首赤爲臣謀而主減位蒼孳之妖主爲不義

歲星赤而角其國昌赤黃而沉其野大穰若逆行則歲饑民祝天下亂大臣憂國有賢人隱歲變天梧陸續云星夜見有伏兵民不安所至之國木星異種歲饑五穀不登民無食也有賊孳歲變天槍晉志云天槍者木德之象也其星兩銳如鋒見則動戈兵有強人所臨之地民不得所大臣憂

歲變天衢晉志云木變天衢首大而尾銳光芒青色多見于半夜所宿之國冠盜起將憂疫人

多餓死

歲變天猾木之變象也見之則野有死乎上刑
急下不聊生寒暑不時見其明則大風暴雨折
木吹沙

歲變含與晉志云見則如彗亦如毛頭之狀過
則有聲其地震民多疾兵革不常貴糴糴舟楫
不通

歲星變國皇陸績曰國皇者木星之餘氣而變
也見于東則米貴見西號令不行見南柴薪絕
見北災水

歲變及登及登木星之變象也天有四時及登之見者一則風雨不時百姓離散所臨國有兵起

歲變倉孛晉志云倉孛者木星之變也馬續云倉孛之見橫列天若出見所宿之國不熟民大饑災疫流行若錯行而五緯者其五度所見之地民災當以翻期候之或禳之則其地無咎不然則有大喪盜賊亂民靡散

熒惑精變

蚩尤類孛而委曲爲旗帝將暴雲而征伐不已昭明如太白而光芒不行占以爲起霸而或爲起德司危如太白而有目臣行主德而國相殘

賊天終出西方而如劒枯國籍而赤地千里五
都滅亡彗星再赤此歲星之精流而爲變者
災惑不動兵不戰有珠將出色赤如行成鉤已
戰凶有圖君軍鉤已有而色角如鋒刃主六宮
下有伏兵

災惑變蚩尤旗乾象云蚩尤旗見始出入火曉
空次變如極竹明庶不宜見于世所見之國大
兵起民流重流血或見一夜見民災兩夜則民
靡三夜大戰所見之地君憂將死胡人不出三
年兵犯塞兵起亂死

災惑變昭明晉志云昭明者災惑之變也見川

其地熒火所宿之國兵興民多饑饉五穀不登
熒惑變昭旦陸續曰火星之餘氣散而爲昭旦
多見于庚日百姓見之主胡兵動所宿之國災
大臣憂

熒惑變司危靈憲曰司危星者火星之變也見
主芒角有暈四海動兵所宿之國流血千里九
臣誅天下有自立也

熒惑變天換靈曜曰天換者火星之餘氣散而
爲之見則兵革興獸傷人百姓流亡賢人隱國
有憂

熒惑變赤彗馬續曰五星之變彗者惟熒惑之

變彗所長十丈其形如帚見則所宿之地火災
始見則夜如白日火焰如火有聲降然所處起
之處有及見之地六十日有大寇百姓不安銀
食

填星精變

五殘上有五枝垂亡毀敗獄漢下有三彗逐王
兵起六賊星其類熒惑爲兵喪光動而赤第星
類第殃占宿地旬始近北斗而類雄雞其怒
如伏鱉而色青黑主亂兵且主改更爲暴屍而
爲積骨忽而黃彗見之當有女亂者矣

鎮星搖撞侯王不寧失次而上二三宿日盈有

生命不成不乃有火水次而下日縮后戚有災
不復不乃天裂地動

填星變天殘晉志云天殘者鎮星之象也見則
國有土功人民失業多旱天子憂兵喪其國亂
亡

填星變獄漢獄星者明主河漢旱涸獄訟囚
多所宿之國不昌兵起野外有破軍殺將人主
惡之

填星變大賁星大賁者土之變也見則如虹行
火焰光燦所臨之國不祥凶頑頃起佞臣用大
赦不行百姓離散

填星變絀深星晉志云絀流者土星之餘氣散而爲之見則其地生異種寒暑不時民疾疫野有寇兵

填星變昭星乾象二昭星者鎮星之變象也天氣不常則見于人民災野死如麻獸相食人臣憂上刑急

填星變旬始張衡曰文曜麗乎天其動者有七曰月五星是也土星之變者有十而旬始之出見則其國天殃天多晦

填星變蚩尤其晉志云鎮星之變爲蚩尤多黃而後紅初發如火炎狀亦變爲明蘆其多色黃

不宜見于世見則土國戰兵迭人相食五穀不
登若連夜見之胡人不出二年兵犯疆塞其煌
遍野寇兵起不然則其地君亡將死

填星變長虹星張衡曰長虹竟天秦以是亡亦
曰長虹見者陰氣之盛結而成之若見其國有
亂臣兵起晉志云見則所臨之國災寇兵起不
出三年內大戰民靡臣下無策又云是曰見或
有流星破之則有和解之象也

填星變黃孛黃孛土星之變象也見則其國多
旱災獄訟繫所宿之國人君災野有寇兵人無
食一去而沒所至之國兵亂

填星變擊咎晉志云擊咎者鎖星之變象也不
宜于世則見兵用旗舉如有流星破之則反而
為祥國有喜外國來朝

太白精變

天犯星流止地為狗聲所墜如水冲天血盈野
伏屍蒲谷白彗橫天斬彊是主太白出西方失
行夷狄敗出東方失行中國敗未盡期日過參
天病其國若經天天下軍兵民吏人民流散之
象

太白變天杵朴張衡曰天有五行之精而太白
所變者天杵也多見芒角有銳或見形于下則

為芒士所臨之國兵大起人君惡之

太白變天附灵憲曰天附見則其地豐熟張衡
曰多見于白氣于冬至之前無故常見則有兵
起于其地

太白變伏灵伏灵者見于東方則有白衣會見
于西則有兵見于南則有火災見于北則有大
水泛溢百姓流客

太白變司奸晉志云奸者太白之變司奸墮地
亦有聲所臨之國大兵起見于東方則有白衣
會

太白變大敗大敗者太白之變也見則所臨之

國災反有刺客胡人犯塞百姓流亡賢者出侯
臣用其國憂

太白變天狗軍營內傘大墜星來或有作聲長
七丈其間大戰將身權急去莫遲回張衡所墜
之地千里流血

太白變五殘靈憲曰五殘者怪星也不宜出見
見則有兵如客星同見見則戰利如有勾己

太白變卒起卒起金星之形多似彗而下赤散
為毛頭見則一曰則一年內兵起見二日則應
二年見三日則兵大起民流大荒則將軍失策

太白變白彗張衡曰白彗者太白之彗也如見

則其形大如盆甕光燄竟天夜如白日其尾散
亂如帚不見于世見則所宿之國兵動千里流
血之象民靡亡地張倉曰大生之生白彗非特
見者謂君弱臣強掩君政民不聊生人主惡之
辰星精變

枉杵若流而蛇行色蒼黑如有毛目反兵合射
而所誅以亂伐亂而臣酷上有權謀黑色彗出
五星之散精而爲妖期應以冲處則舉事辰星
出而失時寒暑失其節邪大飢當出出是擊卒
兵大起若在房心間地動失色黃而小地大動
光明與月相連其國大水

辰星變變枉矢晉志云辰星之變枉矢其形類
流星色蒼黑行如于天望之如有毛長者天主
及萌見則有謀反

辰星變破女破女見如飛燕亦蒼黑色乃水之
變象馬續云破女見主憂則女上失業蚕無絲
辰星變滅室張衡曰滅室之星見乃辰星之怪
象蒼黑而有毛搖曳于天所見之國貴糴錢不
流行下臣下無策

辰星變拂樞拂樞者辰星之餘氣變而爲之見
則官者死女主憂女工不織魚鹽貴風雨不時
冬行夏令民多疫

辰星變驚理晉志云驚理星者水星之變見東方水溢見西方則荒旱民不得食五谷生虫如赤雲掩之則災淺也。

辰星變繞緹陸續云繞緹星者水星之變而成之見則其地內亂民多死五谷不登多大水海鹽具舟楫不通魚鹽貴

辰星變大奮祀張衡云大奮祀乃辰星之變見則其形類半月有類星隱隱其中有芒見則其地災蝗虫民艱食二刑急

辰星變黑彗黑彗者辰星之變出多蒼黑其形如帚見則所臨之國多水災野有寇兵百姓散

民受殃主虛耗國有易政

星隕墜晝見

民離散而星隕于天天下亂兮星墜于地列宿
所墜其下國亡星隕爲石流血兵起墜而入有
人言者善惡如其言墜如化爲龍形者將有哭
泣事爲獸則國有兵凶爲土則天下大水化爲
金鐵天下兵凶變作草木干戈在國墜爲人形
粟麥飛虫皆爲水旱兵飢大起星隕墜照人而
有聲如雷爲大戰覆軍而血流千里夕見則臣
有陰謀多墜則其下兵疫晝流而光耀橫天誅
忠良而臣下圖議若六七八九皆晝見墜地爲

喪旱兵飢而若憂逼弑畫出而與日爭光主兵
喪而傷大水常星不見及列舍動搖君政崩亡
而庶民勞役

流星

要語

靈臺秘苑流星天使也自上而降曰流自下而
升曰飛大者曰奔奔亦流星也星大者死大星
星小者使小聲隆隆怒之象也行疾者期速行
遲也期遲大而無光者衆人之事小而光者貴
人之事大而光者其人貴且衆也乍明乍滅者
賊敗也成前大後小者恐憂前小後大者喜事

也蛇行者姦事也往疫者往而不返也長者其事長久也短者事疾也奔星所墜其下有兵無風雲有流星見食九閭及入爲大風發屋折大小流星百數四面行者庶人流移之象流星異狀名占不同今畧古書及荊州占所載云

流星之毛長二三丈暉然有光竟天其色白者主使也色赤者將軍使也流星有光其色黃白者從天墜有音如炬爍火下地野雉盡卜鳴斯天保也所墜國安有喜若水流星其色青赤名曰地鴈其所墜者兵起流星有光青赤其長二三丈名曰天鴈軍之精華也其國起兵將軍當

從星所之流星暉然有光白長竟天者人之星也主相將軍從星所之凡星如羗者爲發謀起事大如桃者爲使事流星大如缶其光赤黑有喙者名曰梁星其所墜之鄉有兵君失地

飛星大如缶若甕後皎然白前卑後高此謂頓頓其所從者多死亡削邑而不戰有飛星大如缶若甕後皎然白前卑後高搖頭乍上乍下此謂降石所下民食不足飛星大如缶若甕後皎然白星滅後白者曲環如車輪此謂解衛其國人相斬爲爵祿此謂自相齧食有飛星大如缶若甕其後皎然白長數丈星滅後白者化爲雲

派下名曰大滑所下有派血積骨有飛星大如
正若龜後皎白縵縵然長可拾餘丈而委曲名
曰天刑一曰天飾將軍均封疆

天狗狀如大奔星色黃有聲其止地類狗所墜
望之如火光炎大衡天其上銳其下圓如類頂
田處或曰星有乏旁有短彗不有狗刑者或曰
星出其狀赤白有光下即爲天狗一曰流星有
光見人面墜無音若有足者名曰天狗其色白
其中黃黃如遺火狀主侯兵討賊見則四方相
射千里破軍殺將或曰五將鬪人相食所往之
鄉有派血其君失地兵大起國易政戒守禦

營頭有云如壞山墮所謂營頭之星所墮其下
覆軍流血千里亦曰流畫隕名營頭

中與天文志流星有八一日天使二曰天暉三
曰天鴈四曰天保五曰地鴈六曰梁星七曰營
頭八曰天狗自上而降曰流東西橫行亦曰流
奔亦流星也流星之爲天使者有祥有妖流星
之爲天暉天鴈者祥流星夜隕而爲天保也亦
祥流星夜隕而爲地鴈爲梁星者妖流星晝隕
或夜隕而爲營頭者亦妖流之大者爲奔星奔
星夜隕而爲天狗其妖甚矣飛星有五一曰天
刑二曰降石三曰頓頓四曰解銜五曰大潰自

下而上曰飛飛星之爲天刑者祥自降石以下亦皆爲妖

魯齊鮑氏曰流星之變漢元延中日晡時有流星頭大如缶長十餘丈赤曰從下東南去或大如盂或如鷄子耀耀如雨下至昏止其占爲天子失勢後王莽篡國建武中小流星百枚以上或西南南東北四面行其占爲小民流後應徵公孫述民流流星大如杏從織女西行後光烈皇后崩流星出文昌將相色白光燭夜長可四丈搖如龍蛇行已而王商自殺晉志天使也星大者使大小也使小自上而下曰流星下而上

曰飛大曰奔亦流也聲隆隆者怒之象小星流者庶民之象大如月者人主之象天星盡搖民勞之象

天元王曆云流星自上而降飛星自下而升所升之地曰有使所隆之下言有兵姦事乃蛇行而曲曲怒氣則氣震而隆隆奔星所隆其下有兵五星自流則帝王不安其位衆星並流則將軍並舉之兵

又飛流異狀論二然曰飛流過大則異如桃則爲使行如彗則謀爭起白光橫天者將相當之白氣曲環者斬奪爵位搖頭而上者此謂降石

而飢荒有時而赤黑者名爲果星而矢記白化
爲雲名天滑流血積骨于飛流白名周天爲查
山兵戰流血于隕墜色赤而光照地者所注有
兵色白而前卑下者所之削色有謀策則星自
敵卜卜來兵敗散則星投于壘帝王發使慰勞
散爲八角將軍均強割地縵縵委曲照地而流
四方者五谷不登有光而如疋布者以色占異
衆庶流徙則星飛而反行其國兵起則星光而
青赤

又流星變天鴈地鴈占云流色赤青名地鴈所
墜之國兵起流星有光青赤長二三丈名天鴈

其國兵起將軍當從星所之流星光輝白長竟
天主相軍從星所之

神樞云星流星東向西移來日有雨西向東移
二日內主風南向北來日主霧北向南來日主
陰而無雨東向南來日主火東向北七日內有
人報寇盜西向南當年水旱災傷西向北來日
風雨大作南向東主旱南向西秋霜冬雪北向
東連日雨不斷北向西主水滄田禾星帶箒行
所向之方百日內賊盜生星碎流撒火而行主
當年蝗虫生星昏流而行江河泛漲星帶而大
黑暈而行所向之處人民火如二星行送

主有爭鬪

如雙派並行朝廷命相如星而

不直行年內饑饉

如星直如繡行所向不

并天下大收

如一火星如射箭而去主有

災傷如明星直而慢行天下太平 星如樹枝

長短主久如起盜賊生星土碎流亂散三日內

人報蝗災星有紅焰如水年內殞病 星有

焰如火煙人民有恙

星大如有黃焰者主

天下事詔恩大赦

星主紫焰騰流而起五

日內有人報聚哨事星有白焰者年內主孝服

星有黑焰如黑火烟年內大水

星或明

或滅光燦大者慎方盜賊爲害

星圖大如日

四邊重小星拱之主國之興星大明光大月必
出忠臣孝子賢人之類也除此星象其餘
不足以怪異

廣志卷之二十五

天道類

妖孽

要語

靈臺秘要云妖星者五行之氣五星之變各見其方以爲殃災各以其日五色占知何國吉凶殃矣行其無道之國失禮之邦爲兵爲饑水旱死亡徵也又曰凡妖星所出形狀不同爲殃如一其出不過一年若三年必有破國屠城其君死天下大亂兵士亂行戰死于野積尸從橫餘殃不盡爲水旱兵饑疾疫之殃又曰凡妖星出

見長大災深期遠距小災淺其近三尺至五尺
期百日五尺至一丈期一年一丈至三丈期三
年三丈至五丈期五年五丈至十丈期七年十
丈以上期九年審以察之其災必應一曰彗所
請掃星本類星末類彗星小者數寸長或竟天
見則兵起大水主掃除舊布新有五色各依五
行本精所主使臣按彗體無光傳曰而爲光故
夕見則東指晨見則西指在日南北俱皆隨日
光而指頓挫其芒或長或短光芒所及則爲災
二曰孛星彗之屬偏指曰彗芒氣四出曰孛孛
者孛孛然非常惡氣之所生也內不有大亂外

則有大兵天下合謀闇蔽不明有所傷害晏子
曰君若不政孛星將出孛星何惧乎由是言之
災甚于孛三日天棓一名覺星本類星末銳長
四丈或出東北方西方主奮四曰天槍其出不
過三月必有破國亂君伏死其牽殃之不盡當
爲旱飢暴疾五曰天說石氏曰雲如牛伏井氏
本類星末銳坐咸曰孛星出西方長可二三丈
主捕制六曰蚩尤其形類孛而後曲象旗或曰
赤雲獨見或曰其色黃上白下曰或若植葆而
長名曰蚩尤之或曰如箕可長二丈來有星
主文柱逆主惑亂所見之方下有兵兵大起不

然有喪七曰天衝出入人倉衣赤頭不動見則
臣謀主或卒發天子亡八曰國皇大而赤類南
極老人星或曰去地三丈如炬火主內寇內難
或曰其下起兵兵強或曰外內有兵喪光曰昭
明象如太白光芒不行或曰大而白無角乍上
乍下九曰赤孛分爲昭明滅火以爲起霸起德
之徵所起國兵多變一曰大人凶兵大起十日
司危如太白有目或曰出正西西方之野星去
地有六丈大而白或曰大而毛兩角或曰類
太白數動察之而赤爲爭爭之徵主擎強兵見
則主失法豪傑起天子以不義失國有聲之臣

主德十一曰天諛彗出西北狀如劍長四五丈或曰如鉤長四丈或曰狀白小數動主殺罰出則其國內亂其下相撓爲飢兵赤地千里枯骨藉藉十二曰五殘一名五鋒出正東東方星之狀類辰可去地六七丈或曰蒼彗散爲五殘如辰出角或曰表有氣如暈有毛或曰大而赤數動察之而青主幸亡爲五穀毀敗之徵亦爲備急兵見則主誅政在伯野亂成有急兵有喪不利衝十三曰六賊見出正南南方之星去地可六丈大而赤動有光或曰形如彗五殘六賊出禍合天下逆浸閼樞其下有兵衝不利十四曰

獄漢十名咸漢出正北北方之野星去地可六丈大而赤數動察之中青或曰赤表下有三彗從橫主逐王主刺王出則陰精橫兵起其下又爲喪動則諸侯警十五曰旬故出斗傍如雄雞其怒有青黑象伏鼃或曰如雌也主爭兵又曰黃彗分爲旬始爲立王之題主亂招橫見則臣亂兵作諸侯雪期十年聖人起伐郡骨橫次或曰出則諸侯雄鳴十六曰天鋒彗相于鋒天下從橫則天鋒星見十七曰燭星如太白其出也不行見則不久而滅或曰主星上有三彗上出所出城邑亂有大盜不成又以五色占十八曰

蓬星如火如二斗器色白一名王星狀如夜火之
光多至四五少一三一曰蓬星在西南長數丈
左右光出而易處星見不出三年有亂臣戮死
又曰所出大水大旱五谷不收人相食十九曰
長庚如一疋布著天見則兵起二十日四填星
出四遇地六丈餘或曰可四丈或曰星大而赤
去地二丈常以夜半時出見十月而兵起昏爲
兵起其下二十一日地維藏光出四隅或曰赤
去地二丈如月始出見則下有亂亂者亡有
德者昌河圖云歲星之精流爲天棓

天槍

天猾

天衡

圓皇

及登

蒼華

熒惑散爲照旦蚩尤之旗 照明 司危

天謨 赤孛

填星散爲五殘 獄漢 大青 照星

絀流 旬始 蚩尤 虹蜺 擊咎

黃孛

太白散爲天杵 天柎 伏靈 大敗

司姦 天狗 天殘 卒起 白孛

辰星散爲枉矢 破女 拂樞 滅室

繞紕 驚大 奮祀 黑孛

五色之孛各有長短曲折應象

漢京芳著風角書有集章所在妖皆見于月旁

互有五色方雲以五寅日見各有五星所生云

天槍 天根 天荊 真若 天棟 天樓

天垣

皆歲星所生也見以甲寅其星咸有兩青方在其旁

天陰 晉若 官張 天惑 天雀 赤若

蚩尤

皆熒惑之所生也出在景寅日有兩赤方在其旁

天上 天伐 從星 天樞 天翟 天沸

刑孛

皆填星之所生也出在戊寅日有兩黃在其旁
若星 帝星 若彗 竹彗 孛星 掠星
白藿

皆太白之所生也出在庚寅日有西白方在其
旁

天美 天譴 天社 天麻 天林 天蒿
端下

皆辰星之所生也出以壬寅日有西黑乃在其
旁

已前三十五星即五行氣所生皆出于月左者
方氣之中各以其所生星將出不出日數期候

之當其未出之前而見則有水旱兵喪飢亂所指亡國失地亡死破軍殺將

郭璞釋尔雅曰彗妖星也亦謂之孛綜其實不然彗孛長三星其占畧同而其形少異孛星光芒短其光四出逢逢孛孛然彗星光芒長參之如掃帚長星光芒有一直或竟天或十文或三十文宋均注鈞命決曰彗五彗也蒼則芒候破天子苦兵赤則起賊強國恣黃則女害色權奪于后妃白則將軍逆二年兵大作黑則水精賊江河決賊處處起

史記彗出東井齊分景公以為憂

晏子曰君高臺深池賦歛怒弗行刑罰恐弗勝
孛星將出孛星何惧乎然則孛其孛也

董仲舒曰孛者乃非常惡氣之所生也大孛孛
孛為除舊布新火災長星為兵革事

程氏曰孛與孛相似而不同孛如帚而帚直上
孛如孛而圍其芒四出而氣孛孛然孛孛固二
也傳者一之非也

昭二十六年齊有孛星不書魯不見哀十四年
冬有星孛于在獲麟後劉歆以為不言所有官
失之也

宋天文志孛星小者數寸長者或竟天見則兵

起大水除舊不新之兆也。三靈無光傳日而為
光故夕見則東指晨則西指光芒所及則為災
有五色各依五行本精所生孛星孛屬偏指曰
孛芒氣四出曰孛者孛孛然非常惡氣之所生
也主大亂主大兵災甚于孛旄頭星玉冊云亦
孛屬也

妖星五行乖房之氣也五星之精散而為妖星
形狀不同為殃則一各以其所見日期分野形
色占為兵饑水旱亂亡星長三尺及五尺期百
日等而上之至有丈期一年三丈期三年五丈
期五年十丈以上不出九年蓋妖星長大則期

遠而殃深短小則期近而殃淺

天棓星歲之精主奮爭天槍星彗出兩長二三
尺名天槍主破國天猾主招亂天彘出西方長
數丈主國亂蚩尤其形類彗而後曲主兵天衝
狀如人蒼衣赤者不動主上誅下滅國星大而
出去地三丈如短火主內寇及登主夷分主恣
雲旦見則主弱昭明如太白光芒不行主兵喪
危天官書如太白有目去地可六丈大而白其
下有兵主擊盜五殘如震星去地六七丈其下
有兵主奔亡六賊去地六丈大而赤有光出非
其方下有兵喪獄漢青中赤表下有三彗去

地六丈夫而卜赤數動大青主滅邪暴兵燭星
主滅邪絀流主仗逃第星昴孛星主災旬始出
北斗旁如雄雞見則更擊咎主大兵有反者大
亂天杵主梓羊天柎主擊殃伏灵見則世亂天
貳卜主開衝司姦主見怪天狗有毛旁有短彗
下如狗形見則兵飢天殘主貧殘卒起有謀反
主驚亡枉矢色黑蛇行望之如有毛目長數匹
者見則兵起破女君臣憂上下亂拂樞主制時
滅寶主代亂繞紕主亂孽驚理主相屠大奮祀
主照天鋒彗相形似予鋒見則兵起有亂臣照
星有三彗兵出有大盜不成又主滅邪蓬大如

三斗氣色白出東南方東北主旱或大水長庚
星如一疋布著天鬼則兵起四填大而赤可二
丈為兵地維藏光星如月始出大而赤去地二
丈東南旱西北兵出東北大水老子星色白為
善為惡為飢為凶為喜為怒營頭星有云如壞
山墜所墜下有覆軍流血積陵山西南長三丈
主兵小飢昏昌出西北如環大則諸侯失地白
星如削爪主南喪菟昌有赤青環之主水天下
改易滲星赤如牙旗長短四面西南最多亂之
象長星出西方歲星之精化為天梧天槍天滑
天衝國皇及登蒼孛星之精化為五殘六賊獄

漢大賁星絀流第星句始蚩尤虹蜺擊咎黃
孛太白之精化為天杵天樹伏灵天敗司姦天
狗天殘卒起白孛辰星之精化為枉矢破女拂
樞城寶繞緹驚理大奮司黑孛而月旁妖星亦
各有所生天蒼天荆貞若天棟天樓天垣歲星
所生也見以甲寅日有兩青方在其旁天陰晉
若官張天感天雀赤若蚩尤熒惑所生者出在
丙寅日有兩赤方在其旁天上天伐從星天樞
天翟天沸荆孛頓星所生也出在戊寅日有兩
黃方在其旁若星星帝星若孛竹孛牆星權星
白藿太白所生也出在庚寅日有兩白方在其

旁天美天謏天社天林天麻天蒿端下辰星所
生也出以壬寅日有兩黑方在其旁見則為水
旱兵喪飢亂

天元玉曆妖孛占

人事有失乖氣致異光芒四出者曰孛偏指如
帚者曰孛孛星為喪氣也除舊而新孛星為兵
也合謀暗蔽長星自三丈以至橫天其形與孛
孛畧同而異

雜妖篇

營頭如壞山以墜軍大流星如雷而盡出所墜
有大戟而拔城有覆軍流血而積骨長庚如布

天祥以祥三星所見皆為起兵老子則淳淳然
色白者兵大起蓬星則熒熒然色青者谷不登
赤氣竟天格澤之氣伏屍之象流血之徵燭星
上有二星所見大盜不成濛星為亂也夜有赤
氣白星為喪也似星非星

種陵星占

西南方有三大星出名曰種陵出則天下谷貴
十倍人相食五谷不登

盜星占

張衡曰東南方有三星出名曰盜星出則天下
大盜野有寇兵人民離散

天狗星占

西北三大星出而白名曰天狗出則人相食大
凶之兆此天狗北之墜也天狗大不同也

女帛星占

東北有大星出名曰女帛見則大有喪女主憂
蚕不熟女工失業布絲綿貴

妖星變三星占

晉志云彗星之見所墜其下有兵伏天元風雨
而流星良久乃入者為大風發屋折木如卜小
流星百數而行者則衆庶流移流星如炬火其
下有野雉鳴所墜之國安有喜事飛星如大缶

尾後皎而白者曲環如車輪此謂祥衝其國人
相斬為爵祿飛星大甕後皎然其下流血

彗星雜紀占

彗入北斗中者金勝玉勝客勝主四方來侵天
下太平太山堆黃河溢內有弒臣皇后作亂中
外相謀不出一年

彗星出東行南指人民星散國人民飢楚亂有
兵魯國有災宋地人不出一年彗星

彗星出西方南行東指人民大疫國無政大臣
作亂外國來獻獸則大美

彗星出南方西指東天下大赦人民觀樂歲中

大旱不出三年民飢婦人乳死者甚衆

彗星出西方北行東指名外國兵馬亂來中國
人民飢荒出日占日數兼占分野有兵起在十
月

彗入獄中囚與外人誹及宮中大亂臣欲起作
亂殺下不出百日自死伏誅

彗呈出西北方南行東指國有大兵亂起歲多
豐熟人民不安隨出處死之外野

彗出南方北指血派五里人民相害死者甚衆
人民飢斃路草焦枯萬民愁怒

彗出東北方西南指春多疾疫死者十分之六

世多荒人民飢阻

等入亢中其國兵起作亂二年可應

等入角色白兵起赤即國有敗兵平城陷不祥
之兆

等入氏中後宮兵動不百十日八十日曹州東
平

等入心中君有喪本地君亡

等入房中國危人飢禍死害相

等入尾中大臣伏謀

等入箕中天下人飢米貴人民大疫

等入斗中盜賊大亂不出二年

琴入女中八十日內亂女子之事

琴入牛中見女人國兵起二年內七十日政改
更

琴入虛中兵起相殺血流如水死人如山

琴入危中國有反臣陵其主八十日或一年

琴入壁中天下兵起太廟門有無并事

琴入婁中國有大兵起隨其分野占之大亂八
十日或一年

琴入室中兵起宗廟必改國政前後二年始定

琴入金中年大飢國君自征大亂

琴入胃中不出三年大敗國

琴入鼎中不出一年大亂君國

琴入罽中主大水兵起不出一年或二百日必動

琴入罽中不過二年國亂

琴入參中不過一年國亂

琴入井中不過一年人民大荒相殺

琴入鬼中不過一年國主滅人死十分去九

琴入柳中大亂必破

琴入星中君臣相殺不出一年

琴入張中不出一年大亂相殺人大飢

琴入翼中不出一年疫死十分之一

彗入軫中不出百日大敗君政

凡星出日月上下者邦國大兵在八十日內

凡星出日月兩邊相近天下大飢亂侵國分隨

日月分野

彗畫見者五谷貴人民相殺但是治物湏死不出一年國并無人

彗出孛指四向主背兵相殺期二分野在日月主雙主之

彗星向內刺之向上及四方逼近并主外國兵殺后妃之事不然后妃亡後期一年

凡流星動變成大落地並君國崩期三年易主

地

凡晝夜供同明不成星見旻星雖見而又彰無
他也屯為改社稷之兆

廣志卷之二十六

妖孽占驗

春秋文公十四年有星孛于北斗

左傳有星孛於北斗周內使叔服曰不出七年
宋齊晉之君皆將死亂

胡傳孛者惡氣所生闇亂不明之貌也入于北
斗者斗有環域天之三辰綱紀星也來三代之
後齊晉天子方伯中國紀綱孛者所以除舊布
新也顧祥妖孽隨其所感先事而着後三年宋
弒昭公又二年齊殺懿公又二年晉殺靈公此
三君者皆違道失德而死於亂符叔服之言天

之示人顯矣使之有占明矣

公羊傳博者何彗星也其言入於北斗何北斗有中也何以書異也

穀梁傳李之爲言猶弟也其入北斗斗有環域也

張洽註字彗也天之有彗乃除穢布新之祥矣言入者斗有環域入其魁中也

昭公十七年冬有星孛于大辰

左傳星有孛于大辰西及漢家須曰彗所以除舊布新也天字恒象今出于大火出必布馬諸侯其有大災乎梓墳曰往年吾見之是其徵

也大出而見今茲大出而章必火入而伏其居也久矣其與不然乎火出于夏爲三月商爲四月周爲五月夏類得天若大作其四國當之在宋衛陳政乎宋大辰之虛也陳大皞之虛也鄭祝融之虛也皆大方也星孛天漢漢水祥也衛顓頊之虛也故爲帝丘其星爲大水水火之牡也其以丙子若壬午作乎水火所以合也若火入而伏必以壬午不過見之月鄭禪竈言于子產曰宋衛陳鄭將同日火若我用璫華玉璣鄭必不火子產弗與

胡傳大辰心也心爲胡堂天子之象其前星太

于後星厖于孛心加心象天子適厖將分爭也
後五年景王崩王室亂劉子單子立王猛尹氏
召伯立于朝歷數載而後定至哀十三年有星
孛于東方不言宿名者不加宿也當是時吳人
借亂憑陵上國日駭于兵暴國如齊其類氣所
感故將壘兵而降之罰也故氣授所指在于東
方假手越人吳國遂滅天之示人顯矣之史有
占明也

公羊傳孛者何彗星也其言于辰何在大辰也
大辰者何爲大火也大火爲大辰代爲大辰比
辰亦爲大辰何以書記災也

較梁傳一有一言曰有為大辰者濫于大辰也
哀公十三年冬十一月有星孛于東方
杜氏曰平旦衆星皆淡而孛乃見故不言所在
之次

公羊傳孛者何彗星也其言于東方何見于旦
也何以占記異也

漢天文志秦始皇之時十五年間彗星日見以
者八十日長或竟天後秦遂以兵兼六國外攘
夷狄死人如麻

漢高帝三年七月有星孛于大角旬餘乃入劉
向以為是時項羽為楚王伯諸侯而漢已定三

秦項羽相拒滎陽天下歸心于漢楚將滅故彗
除王位也一日羽阮秦卒燒宮室弑義帝亂王
位故彗之加也

文帝

後

七年九月有彗于西方其本直尾箕末

指虛危長丈餘及天漢十六日不見劉向以爲
宋地今楚彭城也箕爲燕又爲吳越齊宿在漢
中負海之國水澤地也是時景帝新立信用龜
錯將誅正諸侯王箕相先見後三年七國反皆
誅滅云

孝武見元年三月有彗于注張歷大微于紫宮
至子天漢春秋星孛于北斗將魯晉之君皆將

元龍今星字歷五宿其後齊東郡西海都王皆
坐法削黜自殺淮南衡王反誅

三年四月有星孛于天紀至織女占曰織女有
女變天紀為地震至四年十月而地動其後陳
皇后廢

六年六月有星孛于北方劉向以為明年淮南
王安有邪謀而陳皇后驕恣其後后廢王誅
八月長星出于東方長終天三十日去占曰是
為虫尤旗見則王者征伐四方其後兵誅四夷
連數十年

班固曰建元六年虫尤之旗見其長竟天後遂

命將出征畧取河南建置朔方其春戾太子生
自是之後時行三十年所誅屠夷滅死者不可
勝數及巫蠱事起京師流血僵尸數萬太子子
父俱故太子生長于兵與之中終始何獨一嬰
臣哉

成帝建始元年正月有星孛于營室青白色長
六七丈廣尺餘劉向谷永以爲營室後宮懷妊
之象孛星加之有害懷妊絕絕繼嗣者一日後
宮將受害也其後許皇后坐祝詛後宮懷妊者
廢趙皇后立妹爲昭儀害兩皇太子上遂無嗣
趙后姊妹卒皆伏辜元延元年七月辛未有星

李于東井踐五諸侯

諸侯曰五諸侯並名

出河城北率行軒轅

太微後日六度有餘晨出東方十三日夕見西

方犯次妃長秋斗垣彗矣再貫紫宮中大火當

後達天河除于后妃之域南逝度犯太角攝提

至天市而按節徐行炎入市中旬而後西去五

十六日與荅龍俱伏谷永對曰上古以來大亂

之極所希有也察其馳騁驟步芒炎或長或短

所歷奸犯內為後宮女妾之害外為諸夏叛逆

之禍劉向亦曰三代之亡攝提易方秦項之威

星孛大角是歲昭趙儀害兩皇子後五年成帝

崩昭儀自殺哀帝即位趙氏皆免官爵徙遼西

宋帝亡嗣平帝即位王莽用事追廢成帝趙皇
后宋帝傳皇后皆自殺外家丁傳皆免官爵徙
合浦歸故郡平帝無嗣莽遂篡國

宋帝建平二年二月星出牽牛七十餘日傳
曰星所以除舊布新也牽牛日月五星所從起
曆數之元三正之始星而出之改更之象也其
出久者爲其事大也其六日甲子夏賀良等建
初元年號曰陳聖劉太平皇帝刻漏一百二十
爲度八月丁巳悉廢蠲除之賀梁及黨與皆伏
誅流放其後卒有王莽篡位之禍

王莽地皇三年十一月有星字于張東南行五

日不見于星者，意以所土為龍兵或胃之星，所以除穢而布新也。張為周地，在子于張東南，行即軫翼之分，軫翼為楚，是周楚地將有兵亂。後一年正月，光武起兵河北，復都雒陽，君周地，除穢布新之象。

光武建武十五年正月丁未，彗見昴。彗長三丈，韓陽占曰：在昴大國起兵也。稍西北行，營室犯離宮。韓陽占曰：營室東壁元問為兵起。

三月乙未至東壁，滅見四十九日，彗星為兵入除穢，昂為遣兵，彗星出之為有兵。至十一月，定襄都尉陰承反，太守隨誅之，盧方從匈奴入居高柳。至十六年十月，降上璽綬，一日星昴為獄。

事是時大司徒歐陽歙以事擊獄踰戚死營室
天子之常宮離宮后妃之所居彗星入營室犯
離宮是除宮室也是時郭皇后也疏至十七年
十月遂廢為中山太后立陰貴人為皇后除宮
之象三十年閏月甲午水星在東井二十度氣生
白度氣東南指炎長五尺為彗東北行至紫宮西
蕃止五月甲子不見凡見三十一日水常以夏
至放于東井閏月在四月尚未當見而見是羸
而進年群國大水壞城郭傷禾稼殺人民白氣
為喪有災作彗彗所以除穢紫宮天子之宮彗
加其藩除宮之象

荊州星經曰彗在東井國大
人死七十日主帝之五十日

增補之三十日三年光武帝崩孝明帝永平三

年六月丁卯彗星出天松北辰二尺所稍北行至亢南百三十五日去天缸為水彗出為大水是尹碓水溢到津城門壞伊橋郡七縣三十二皆大水

孝順永建六年二月丁巳彗星見東方長六七

尺色青白西南指營室及墳墓星和前占曰彗星出而中宮

室天下龍易政以五色占之吉云丁丑彗星在奎一度長六

尺癸未昏見在河圖曰彗星出貫奎庫兵悉出禍在強侯外夷胡應送首謀也

西北曆昂畢甲申在東井遂歷與魁柳七星張

先矣及三台至軒轅中滅營室者天子常宮墳

墓主死彗星起而在宮室墳墓不出五年天下
有大喪後四年孝順帝崩昂為邊兵又為趙羗
周馬父子遂為寇又劉大刼清河相射嵩欲立
王蒜為天子嵩不聽殺嵩王閉門距文官兵捕
誅主文蒜以惡人所刼廢為尉氏侯又徒為掾
拂都鄉都薨國絕歷東井與魁為秦皆羗所攻
鈔矣及三台為三宮是時大尉和喬及故大尉
李固為梁冀所陷入坐文書死及至注張為周
戚於軒轅中為後宮其後懿獻后以憂死梁氏
被誅是其應也

孝獻建安九年十一月有星孛于東井與魁入

軒轅太微十一年正月星孛于北斗首在斗中
尾貫紫宮及北辰占曰彗星掃太微宮人主易
位其魏文帝受禪

魏明帝太和六年十一月丙寅有星孛于翼近
太微上將星占曰為兵喪井氏曰孛彗所當之
國是受其殃翼又楚分野孫權封畧也明年權
有遼東之敗又明年諸葛亮入秦州孫權發兵
緣江淮也要衝權自圖新城以應亮天子東征
權

高貴卿公正元元年十一月白氣出南斗側廣
數丈長竟天王肅曰蚩尤之期也東南其有亂

乎二年正月有彗星見于吳楚分兩北竟天鎮
東大將軍毋丘儉等據淮南叛景帝封平之按
占蚩尤旗見王者征伐四夷自後又征淮南西
平也蜀是歲吳主孫亮立五鳳元年斗牛吳越
分按占吳有兵喪除舊布新之象也太平三年
孫林盛兵圍宮廢亮為會稽王故國志又書于
吳也淮南江東同陽州地故于時變見吳楚之
分則魏之淮南多與吳同災是以毋丘儉等以
亭為已應遂兵而敗後三年卽位并露二年諸
葛誕又反淮南吳遣將救之及城陷誕衆與吳
兵死沒各數萬人猶前長星之應也

晉會帝元康五年四月有星孛于奎至軒轅太微經天子庭三台為三司大陵有積尸死喪之事其後武庫火西羌反後五年司空張華遇禍賈后廢死魯公賈謐誅又明年趙王倫篡國位于是三王興兵討倫兵士戰死十萬餘人

孝武太元十五年七月壬申有星孛于北河或經太微三台文星于北斗色白長十餘丈八月戊戌入紫微乃滅占曰北河或一名朝門胡門有兵喪掃太微入紫微王者當之三台為三公文昌為將相將相三公有災入北斗諸侯戮一曰掃北斗強國發兵諸侯事權憂二十一年帝

崩隆安元年王恭殷仲堪桓玄等並發兵請迫王國室朝廷後而殺之司馬道子曰是失勢禍亂成矣

安帝隆安四年二月己丑有星孛于奎長三丈上至閣道紫宮西蕃入北斗魁至三台三曰遂經于太微帝坐端門占曰彗星掃天子庭閣道易主之象經三台入北斗占同上條十二月戊寅有星孛于貫索天市天津占曰貴臣獄死內外有兵喪天津為賊斷王道天下不動案占災在吳越五年二月有孫恩兵亂攻郡國于是內外戒嚴營陣屯守柵斷淮戶九月桓玄表至送

謀陵工其後玄遂篡位亂京都大饑人相食百姓
姓流亡皆其應也

恭帝元年正月戊戌有星孛於大微西蕃占曰
革命之徵其年宋有天下

梁武帝大同五年十月辛丑彗出南斗長一尺
餘東南指漸長一丈餘十一月乙卯至婁臧占
曰天下有謀王者其八年正月安成民劉敬躬
挾在道反黨與數萬九年李賁稱皇帝於交州
陳文帝天加元年九月癸丑彗星長四尺見亡
指西南占曰彗星見則敵國兵起得本者勝其
年周將獨孤勝鎮衆起巴湘侯瑱擊破之六年

六月辛酉有彗長丈餘見於台占曰陰謀姦克起一曰宮中火起其後帝崩安成王廢少帝而自立陰謀應也

北齊後主大統元年六月壬戌彗星出文昌東北其大如手後移長乃至丈餘百日乃滅

隋煬帝大業三年二月己丑彗星見于東井文昌歷大陵五車北河入太微帝坐前後百餘日而止三月辛丑長星見西方竟天千歷奎婁角亢而後至九月辛未轉見南方又于角亢頻掃大微帝坐于犯列宿爲不及參井經歲乃滅占曰去穢布新天所以去無道建有德見火者

災深星者事大行遲者期遠兵大起國大亂而
芒余殃為水旱飢饉土功疾疫其後築長城計
土渾及高麗兵戎連歲水旱疾疫土功相仍郡
道並起邑落空虛

唐文宗開成二年二月丙午有彗星于為長七
尺餘西指南斗戊申在危西南芒耀愈勝癸丑
在虛辛酉長丈餘西行稍南指壬戌在婺女長
二丈餘廣三尺癸亥愈長且闊三月甲子在南
斗乙丑長五丈其末兩岐一指氐一掩方丙寅
長六丈無岐北指在亢七庚丁卯西北行東指
己巳長八丈餘在張癸未長三尺在軒轅右不

見亢彗星辰出則西指夕出則東指乃常也未
有適指四方凌犯如此之甚者

宋太宗端拱二年六月戊子有彗出東井積水
西青白色光芒漸長晨見東北旬日夕見西北
歷日攝提亢三十日至亢沒

仁宗治三年三月己未彗出營室晨見東方長
七尺許西南指危泊墳墓漸東速行近日而伏
至辛巳夕見西北有星無芒彗亦東行別有白
氣一闕三尺許貫紫微極星并方宿首尾入濁
益東行歷文昌北斗貫尾至壬午星復有芒彗
長丈餘五車白氣為岐橫天貫北斗河五諸侯

軒轅太歲五帝主內五諸侯及角亢氐房宿癸
未禁長丈五尺有星孛氣如一升器歷營室至
張九十四舍積十七日星氣孛皆滅亡曰白氣
長星也孛氣孛也光如帚者彗也為兵喪水旱
饑疫之災

廣志卷之二十六

流星星隕星搖占驗

秦始皇三十六年癸亥守心有墜星下東郡至地為石或刻其石曰始皇死其地分始皇聞之遣御史遂問莫服盡取石旁人誅之燔其石漢

惠帝三年隕石綿諸一

綿誅道也屬天水郡

孝武帝元光中天星盡搖上以問候星者對曰星搖者民勞也後伐四夷百姓勞於兵革

武帝征和四年二月丁酉隕石雍二天晏無雲

聲聞四百里

雍扶風縣晏天青也

昭帝元始中流星下晏萬載宮極東去法曰國

恐有誅元平元年二月甲申晨有大星如月有中星西而西行乙酉祥雲如狗赤色長尾三枚夾漢西行大星如月大臣之象衆星隨之衆皆隨從之象也天文以東行為順西行為逆此大臣欲行權以安社稷占曰太白散為天狗為卒起卒起見禍無時臣運柄祥雲為亂君到其四月昌邑王賀行淫辟立二十七日大將軍霍光白皇太后廢賀

成帝見始元年九月戊子有流星出文曰色白光燭地長可四丈大一圍動搖如龍蛇形有頃長五六丈大四為所誅折委曲貫紫宮西在斗

西北子亥間後詘如環北方不合留一刻許占
曰文昌為上將貴相時帝舅王鳳為大將軍其
後宣帝子王商為臣相皆貴重任政鳳妬商譖
罷商自殺親屬皆廢黜

永始二年二月癸未夜過中星隕如雨長一二

丈繹繹未至地滅

師石曰繹
繹光未色

至鷄鳴止谷永對曰日

月星辰燭臨下土其有石舅之翼則遐邇幽隱
靡不咸睹星辰附離於天猶庶民附離者也王
者失道綱紀廢壞下將將叛去故星叛天而隕
以見其象春秋記異星隕最大自魯嚴以來至
今再見臣聞三代所以喪亡者皆繇婦人群小

湛洒於酒書云乃用婦人之言四方之逋逃多
罪是信是使詩曰赫赫宗周褒姒滅之顛覆厥
德荒耽于酒及秦所以二世而亡者養生大奢
奉終太厚方今國家無而有之社稷宗廟之大
憂也京房易傳曰君不任賢厥妖天兩星

元延元年三月隕石都關一四月丁酉日晡時
天壇晏殷殷如雷聲有流星頭大如並長拾餘
丈皎然赤白色從日東南去西面或大如盂盂
或如鷄子耀耀如雨不至昏止郡國皆言星隕
春秋星隕如雨為正者失執諸侯起伯之異也
其後王莽遂專國柄王氏之興崩于成帝時是

以有星隕之變後齊遂篡國

緩和元年正月辛未有流星從東南入北斗長數十丈二刻所息占曰大臣有擊者其年十一月庚子定陵後淳于長坐執左道下獄死

哀帝見平元年正月丁未隕石北地十其九月甲辰隕石虞二

先武建武十年三月癸卯流星如月從太微出入北斗鬼第六星色白旁有小星射者十餘枚滅則有声如雷食頃止流星為貴使星大者使星小者使小太微天子廷北斗魁主殺星從太微出北斗魁是天子大使將出有使伐殺十

二月己亥大流星如鉏出柳西南行入軫且滅
時分為十餘如遺火狀須臾有聲隱隱如雷柳
為周軫為秦蜀大流星出柳入軫者是大使從
周入蜀是時光武帝使大司馬吳漢發南陽卒
三萬人乘舡沂江而上擊蜀十二年十一月丁
丑敗公孫述兵殺述明日漢入屠屬城誅述天
將公孫晃延岑等所殺數萬人夷滅述妻宗族
萬餘人以上是大將出伐殺之應也其小星射
者及如遺火分為十餘皆小將相隨之象有聲
如雷隱隱者兵將怒之徵也

十二年正月己未小星流百枚以上或西北或

正北或東北二夜止六月戊寅辰小流百枚以
上四面行小星者庶民之類流行者移徙之象
也或西北東北或四面行皆小民流移之徵是
時西討公孫述北征盧芳匈奴助芳侵遼漢騎
將軍馬武騎都尉劉納閭興軍下西陽臨平呼
沱以備胡匈奴入河東中國未安米穀荒貴民
或流散後三年吳漢馬武又徙鴈門代郡上谷
關西縣吏民六萬餘口置常關居庸關以東以
避胡寇是小民流移之應

中元二年十月戊子大流星從西南東北行聲
如雷流星爲始中郎將竇故楊虛侯馬武將兵

西征也

孝明永平元年四月丁酉流星大如斗起天市樓西南行光照地流星為外兵西南為西南夷是時益州發兵擊姑復蠻夷大年僭陵斬首詣洛陽

孝和永元元年正月辛卯有流星起參長四丈有光色黃白二月有流星起天棓東北行丈所滅色青色戊申夜有流星起太微東蕃長三丈二月丙辰流星起天津士戌有流星起天將軍東北行參為邊兵天棓為兵太微天廷天津為水天將軍為兵流星起之皆為兵其六月漢遣

車騎將竇憲執金吾耿秉與度遠將軍鄧鴻出朔方並進兵臨私渠北觀海斬虜首萬餘及獲生口牛馬羊百萬頭曰遂王等八十一部降凡二十餘萬人追單于至西海是歲七月又雨水漂人民是其應也

二年二月丁酉有流星大如挑起紫宮東蕃西北行五丈稍滅四月丙辰有流星大如爪起文曰東北西南行至少微西滅有頃音如雷聲已而金在軒轅大星東北二尺所八月丁未有流星如鷄子起太微西東南行四丈所消十月癸亥有流星大如挑起天津東行六丈所消十一

月辛酉有流星大如拳起紫宮西行到胃滿三年

九月丁卯有流星大如鷄卵起紫宮西南至北

斗柄間消

星紫宮占曰有流星出紫宮天子使也赤言兵色白言義色黃言出邑青言憂色黑言水出皆以所之也命東西南

紫宮天子宮文昌少微為貴臣天津為水北斗
主殺流星起歷紫宮文昌少微天津文昌為天
子使出有兵誅亡竇憲初大將軍與其弟蕭景
女弟壻郭舉等坐謀不軌伏誅

八年九月辛丑夜有流星大如拳起婁十一年
五月丙午流星大如水起氐西南行稍有光白
色占曰流星白為有使客大為大使小為小使
疾其疾遲亦遲大如水為近小行稍有光為遲

也又正王曰遣方有受王命者明年二月蜀郡
旄牛繳外夷白狼樓薄種王唐縉等率衆人口
十七萬歸義內屬賜命印紫綬錢帛

十四年十一月丁丑有流星大如拳起北斗魁
中北至閭到稍有光色赤黃須臾西北有雷聲
十六年十月辛亥流星起鉤陳北行三丈有光
色黃

順帝永和三年二月辛丑有流星大如斗從西
北東行長八九尺色黃赤有聲隆隆如雷

橫帝延禧七年二月癸亥隕石右扶風一鄠又
鄠石二皆有聲如雷

蜀後主建興十三年諸葛亮大衆伐魏亮卒于
渭南有長星赤如芒角自東北西南流投亮營
三投再還往大還小占曰兩軍相當有大流星
來走軍上反墜軍中者皆破敗之徵也九月亮
卒於軍焚營而去群帥交怨多誅殘

魏明帝景初二年宣帝為公孫文懿於襄平八

月丙寅夜有大流星長數十丈白色有芒鬣從

首山

北東

流墜襄平城東南占曰圓城而有流星

來走城上及墜城中者破又曰星墜當其下有

戰場又曰犯星所鬼易姓九曰文懿突圍走

至星墜所被斬屠城坑其衆

元帝元景四年六月有大流星二並如斗見西方分派南北光昭地隆隆有聲按占派星為貴使星大者使大其年鍾鄧尅蜀二星蓋二帥之象二師相背又分派南北之應鍾會既叛三軍憤怒隆隆有聲兵將怒之徵也

晉惠帝太安二年十一月辛巳有星晝隕中天北下光變白有聲如雷按占營首營首所在下有大兵流血明年劉石攻畧并州多所殘滅王陵起燕大引鮮卑攻掠鄴中百姓塗地有聲如雷怒之象也

懷帝永嘉元年九月辛卯有大星如日自西南

流於東北小者如斗相隨天盡赤星如雷占曰
流星為貴使星大者使大是年五月汲彘殺東
燕王騰據遂河北十一月始遣和郁為征北將
軍鎮鄴西田甄等大破汲彘斬子樂陵于是以
甄為汲郡太守弟蘭鉅鹿太守小星相隨者小
將副帥之象也司馬越郡魏郡以東平原以南
皆黨于彘以賞甄等於是侵掠彘地聲如雷忿
怒之象也

十二月丁亥星劉震散按流向說天官列宿在
位之象其象小明無星者衆庶之類此百官衆
庶將流散之象也是後天下大亂百官萬姓流

移轉死矣

元帝永昌元年七月甲午有流星大如瓮長百餘丈青赤色從西方來尾分爲百餘岐惑散時王敦亂百_姓流亡之應也

穆帝永和十年四月癸未流星大如斗色赤黃出織女_沒進父有聲如雷占曰燕齊有兵百姓流亡其年十二月慕容_皝遂據臨漳盡有函并青冀之地緣何諸將奔敗河津隔絕慕容_恪攻齊

孝武太元六年十月乙卯有奔星東南經翼軫聲如雷占曰楚地有兵軍破百姓流亡十二月

符堅荊州刺史梁成襄陽太守閭震率衆大竟陵桓石虔擊大破之生擒震斬首七千獲生口萬人聲如雷將帥怒之象也

十三年閏月戊辰天狗東不下有聲占曰有大戰流血自是後慕容垂翟遼姚萇符登慕容永並阻兵爭強十四年正月彭城妖賊又稱爲號於皇立劉牢之破滅之三月張道破合鄉太山向欽之擊走之

安帝隆安五年三月甲寅流星赤色衆多西行經牽牛虛爲天津閣道貫太微紫宮占曰星庶人類衆多西行衆將西流之象經天子庭主弱

臣強諸侯兵不利其年五月孫恩侵吳郡殺內
史六月至京口於是內外威嚴營陣七守劉裕
追破之元興元年七月大飢人相食浙江與東
流亡十六七吳郡吳興戶口減半又流廢而西
者萬計十月桓玄遣將擊劉軌破走之軌奔青
州石勒末年星隕於鄴東北六十里初赤黑黃
雲如暮長數十丈交錯如雷震聲墜地氣熱如
火塵起連天時有畔者往視之土猶然沸見一
石方赤餘青色而擊輕之聲如磬未幾石勒死
虎殺其子而自立

梁武帝天監十年九月丙申天西北隆隆有聲

赤帝下之帝占曰天狗也所往之鄉有流血其
君失其地年十二月馬仙坪大破魏軍斬敵十
余萬克復朐山城

中大通四年七月甲辰星隕如雨占曰星隕陰
失其位災害之象萌也星隕如雨人民叛下有
專討大人憂其後疾景交亂以憂崩人中奔散
皆其應也

後魏文武帝興安元年五月辛亥流星大如五
斗許西南爲六七段有聲

獻文帝大安元年十一月乙酉有流星照地咄
咄有聲

孝靜帝武定四年九月丁未高祖國王壁城有
星墜於營衆馬皆鳴占曰破軍殺將高祖不豫
年次崩

周武帝建德六年十二月癸丑流星大如月西
流有聲蛇行曲屈光焰地占曰兵大起下有戰
場戊辰平旦有流星大如三斗器色赤出紫宮
疑着天乃北下占曰人主去其宮殿是月營州
刺史高室寧及其明年帝總戎不成後年帝崩
宣帝大成元年六月丁卯有流星大如鷄子出
氏中西北流有尾迹長一丈所入月中即滅占
曰不出三年人主憂又曰有亡國靜帝幽閉之

應

隋文帝開皇元年十一月己巳有流星聲如墮
墻光燭地占曰流星有光有聲名曰天保所墜
國有喜其九年平陳天下一統

五年八月戊申有流星數百四散而下占曰小
星四面流行者庶人流移之象其九年平陳江
南士人悉播遷京師十九年十二月乙未星宵
於敦海占曰王失其位災害之萌也又曰大人憂
煬帝大業十一年五月癸未大流星墮於吳郡
為石占曰有亡國有死王有大戰破軍殺將其
後大軍破逆賊劉元進于吳郡八月壬子有大

流星如斗出王良間道聲如傾壺於旦大流星如甕出羽林

十三年五月辛亥大流星如甕墜於江都占曰其下有大兵戰流血破軍殺將明年帝遇弑

唐太宗大曆六年九月甲辰有星西流大如一斗器光燭地有尾迸光如珠長五丈出婺女水天市南垣臧

十二年二月辛亥有流星如桃尾長十丈出匏瓜入太微

元和二年十二月己巳西北有流星彗大尾散如珠占曰有貴使來四年八月丁丑西北有大

星東南有流星聲如雷鼓

六年三月戊戌日晡天陰寒有流大如一斛星
器墜於兗鄆間聲震數百里野雉皆雉所墜之
上有赤氣如立蛇長丈餘至夕乃滅時占曰以
為日在戌魯分也不及十年其野主殺而地分
九年正月有大星如半席自下而升有光燭地
郡小星隨之四月辛巳有大流星尾迹長五丈
餘光燭地至右攝提西滅

十二年九月乙亥甲夜有流星起中天首如甕
尾如二百斛甕長十餘丈聲如群鴉飛明若大
炬過月下西流須臾有聲礮礮墜地有聲如壞

星者三在陳蔡間

大和四年六月辛未自昏至戊夜流星或大或小觀者不能數占曰民失其所王者失道綱紀廢在然又曰星在野象物在朝象官

七年六月戊子自昏及曙方流星大小縱橫百餘

咸通十三年春有二星從天際而上相從至中天將如旌旗乃隕九年蚩尤旗見

乾符二年冬有二星一赤一白大如斗相隨東南流燭地如月漸大光芒猛怒

三年晝有星如炬大火如五升器出東北徐行

隕于西北

宋太祖太宗真宗三朝流星

太平興國三年十月甲寅有星出天艮赤黃色如二升器至天棓星體散落明燭地七月辛巳有星如稱權沒于婁八月壬寅有星出紫微鉤陳東如宛大赤黃色向北遠行近不極沒占曰外國有使至是冬三佛齊吐蕃山後兩林蠻來貢

雍熙元年十月丁酉有星出昴赤色東南蛇行二丈余沒占曰外國使至又爲姦邪之象二年正月壬戌有星出東井其大位於金星至與魁

浚占雲四表未貢是歲占城邛部州蠻西南蕃
來貢

四年六月庚戌有初有星出西北色青白入濁
當戌地有聲如雷占曰戌地兵飢流血是後李
繼遷擾四鄙八月乙亥有星出天關東色赤黃
尾貫月

淳化元年九月辛巳有星出羽林色青南行先
奪月占曰禁兵十一月壬午流星出天關如半
月南行曆東井卽位攝提至大角東北墜於地
光芒四照聳如清墻占曰秦燕分兵疫水旱
二年正月丙申有星出水東西大如杯色赤黃

經參其分爲三星相從至天苑東沒光燭地七月癸酉有星出雲雨側大如青杯色白緩行三尺餘沒占云爲大風發屋折木

咸平五年三月丙午有星畫出星至南斗沒亦先丈餘八月辛巳有星出營室大如杯色白有光九月甲申有星出東方西南行大斗如有聲若牛吼小星數十隨之而隕戊戌又有斗千數入輿魁至中台凡一大星偕小星數十隨之其間兩星如升器大至狼星壺至沒南斗占曰燕朔民流徙

大中祥符五年二月戊申有星出貫索經庫樓

逆為數星沒八月戊午有星大小二十餘偕有
尾迹北流又一星如升器光燭地虫紫微桓外
尾丈餘闊三寸許東北流至傳舍沒占有大慶
大赦是冬聖祖降赦常所不原者

六年十一月丁巳有星出太微即位東大如杯
色赤黃有尾迹至軫北逆為數星沒占曰大臣
憂

七年三月丙戌有星出南河大如杯至玉井沒
占曰秦齊飢四月辛酉有星出鉤陳大如杯尾
迹赤黃占曰發大使宣急令是歲遣巡撫江淮
兩浙

八年二月丁卯有星出郎將北迸為三星四月
癸丑有星出亢西至右攝提迸為數星隨而沒
五月乙酉有星大如杯青白色出人星至騰蛇
沒光燭地八月己亥有星出參大如杯南流入
濁仁宗英宗兩朝流星

乾興元年五月壬午星出危大如杯赤黃色有
尾迹速行而東作如迸火隨至羽林軍南沒明
燭地曰北夷兵動

寶元二年三月癸丑星出石其赤黃有尾迹向
南速行沒于建星明燭地占曰兵為亂下有謀
康定元年三月癸丑星出北斗北行入燭明燭

地占曰使出北方

二年九月己酉有星出奎如太白赤黃有尾跡
西行沒于東壁明燭地占曰天下文章之士用
慶曆七年六月乙巳星出天曰赤黃色有尾跡
西南緩行至析威沒占曰邊將憂九月星出天
苑如太白南行至天園沒有尾迹明燭地占曰
牛馬禽獸多死

八年六月乙卯星出北斗至卽位沒有尾跡明
燭地占曰兵出八月乙亥星出東北出黃色東
北速行至燭沒占曰天下文章之士用

皇祐元年六月己巳星出艸瓜赤黃有尾迹向

南速行至達星沒占曰吳分有謀

二年四月癸未星出氐赤黃色東南速行至心
沒有尾迹明燭地占曰內使出外使來德令宣
布國人有喜

嘉祐四年正月癸丑星出營寶大如杯赤黃色
西南速行至羽林軍沒炸烈有声占曰軍行炸
而有声者戍兵不安六月辛未星出胃沒于鉤
陳又星出大艮至王良沒占曰倉廩官灾有津
梁有阻策馬者憂九月乙亥星出紫宮鉤陳側
大如盆東北速行曳尾長五尺初直後曲流至
北辰東沒沒後尾迹疑結如盤食頃散占曰流星

大者事大曲行者姦事也色赤兵象北行其事
在北方今形體異下當而小心數十南北分派
衆庶流行之象宜審察姦謀以備不測

谷齋洪氏隨筆曰國朝星官曆翁之伎殊魏漢
唐故其占則荒茫幾於可笑偶讀四朝史天文
志云元祐八年十月戊申星出東北西漫流至
羽林軍沒主濯用文士賢臣在位紹聖元年二月
丙午星出壁室東沒主文士入國賀賢臣用二
年二月癸卯星出靈臺北行至軒轅沒主賢臣
在位天子有子孫之喜按是時宣仁上仙國是
丕變一時正臣以次竄斥章子厚在相位蔡卞

輔之所謂四星之占宜不可失也子孫之說蓋誦劉後云

徽宗崇寧元年三月星出張如金星西南急流至燭沒狀如前主諸侯受賜天子宗廟社稷昌十月壬子星出天傳如孟急流至五車沒青黑有尾迹聲隆隆然主大水或曰水旱不時

政和七年十二月甲子星出胃東南如孟西北急流至天木時將沒赤黃有尾迹照地明主天子以金玉賞大臣外國有不降者一曰趙分五穀熟

八年九月庚申星出斗魁南如孟東南急流至

天淵淡赤黃有尾迹照地明主不出其年兵起
一曰大臣死江河溢

宣和二年十二月辛巳星出奎西南如杯西南
慢流至壁淡赤黃有尾迹照地明主其下破軍
殺將二日天子好道用故臣

高宗紹興三十一年六月甲子飛星出心宿入
角宿赤黃色初小後大有小星相隨為兵占八
月壬午流星約長三丈晝占隕營頭色若晝見
橫大明者臣下圖議諸罰善良

寧宗慶元六年九月癸卯流星夕隕占其下兵
疫色赤為兵旱丁巳流星晝隕於金國亂十月

戌戌流星出自昴宿西南慢向天廩東南次占
兵起他國使來有救令人天廩色赤為旱火黃
則大熟